



ՀԱՍՏԱՏՈՒՄ ԵՄ՝
ՇՐՋԱԿԱ ՄԻՋԱՎԱՅՐԻ ՆԱԽԱՐԱՐ
Ռ. ՊԵՏՐՈՍՅԱՆ

« 09 » 09 2021թ.

ՊԵՏԱԿԱՆ ՓՈՐՁԱՔՆՆԱԿԱՆ ԵԶՐԱԿԱՑՈՒԹՅՈՒՆ

ՇՐՋԱԿԱ ՄԻՋԱՎԱՅՐԻ ՎՐԱ ԱԶԴԵՑՈՒԹՅԱՆ
ՓՈՐՁԱՔՆՆՈՒԹՅԱՆ

ԲՓ 0163-21

Ձեռնարկողը՝

ՄԱԶԾ մշտական ներկայացուցիչ
Ք.Երևան, Պետրոս Ադամյան 14

Գործունեությունը՝

«Վանաձորի, Սյրեփանավանի, Տաշիրի և Զիլիգայի
անտառապահության համակարգի» կառավարման պլանի
հիմնադրույթային փաստաթղթի շրջակա միջավայրի վրա
ազդեցության ուղղմամբ հաշվառման
հաշվետվություն
Լոռու մարզ

«Շրջակա միջավայրի վրա ազդեցության
փորձաքննական կենտրոն» ՊՈԱԿ-ի
տնօրենի՝ պարտականությունները կատարող



Խ. Մարտիրոսյան

ՊԵՏԱԿԱՆ ՓՈՐՁԱՔՆՆԱԿԱՆ ԵԶՐԱԿԱՑՈՒԹՅՈՒՆ
ՇՐՋԱԿԱ ՄԻՋԱԿԱՅՐԻ ՎՐԱ ԱԶԴԵՑՈՒԹՅԱՆ ՓՈՐՁԱՔՆՆՈՒԹՅԱՆ

թիվ ԲՓ 0163-21
<09> 09 2021թ.

**«Վանաձորի, Սյրեփանավանի, Տաշիրի և Ջիլիզայի
անտառտնտեսությունների» կառավարման պլանի շրջակա միջավայրի
վրա ազդեցության ռազմավարական գնահատման հաշվետվություն**

Ձեռնարկող՝

ՄԱԶԾ մշտական ներկայացուցիչ

Ներկայացված նյութեր՝

Հիմնադրությային փաստաթուղթ
- ազդեցության ռազմավարական էկոլոգիական
գնահատման (ՌԷԳ) հավետվություն, գծագրական
նյութեր

Գտնվելու վայրը՝

Լոռու մարզ

Ներածական մաս. Գուգարքի տարածաշրջանի անտառներում ուսումնասիրություններ կատարվել են դեռևս 1890-ական թվականներին, որի համար 1897թ. պատրաստվել է անտառի գնահատման նկարագիր և համապատասխան պլանշետներ:

Անտառի ուսումնասիրությունները շարունակվել են 1920-ական թվականներին՝ կապված ներկայիս Վանաձոր քաղաքում 1928թ. Անտառային գիտահետազոտական կենտրոնի ստեղծման հետ, որի գիտնականների կողմից շուրջ 6 տասնամյակ իրականացվել են հիմնավոր գիտափորձարարական ուսումնասիրություններ:

«Հողերի և անտառի կայուն կառավարման ներդրումը հյուսիս արևելյան Հայաստանի լեռնային լանդշաֆտներում» (UNDP) GEF ծրագրի շրջանակներում ՄԱԶԾ գրասենյակի և ՀՀ Տավուշի մարզի «Երիտասարդ անտառաբույծների միավորում» հասարակական կազմակերպության միջև կնքվել է 16.11.2017թ. Ref: RFP 051/17 պայմանագիրը՝ Լոռվա մարզի Գուգարքի և Եղեգնուտի անտառտնտեսությունների կառավարման պլանների վերանայման ծրագրի իրականացման նպատակով՝ հաշվի առնելով կենսաբազմազանության, էկոհամակարգային ծառայությունների, կլիմայի փոփոխության և համայնքների կողմից պաշարների օգտագործման նկատառումները: Լոռու մարզի անտառտնտեսությունների անտառկառավարման պլանի նպատակն է կայուն անտառտնտեսության վարում և կառավարում առաջիկա 10 տարիների համար:

Շրջակա միջավայրի վրա ազդեցության գնահատման և փորձաքննության (այսուհետ՝ Փորձաքննություն) ներկայացված ԱԿՊ նախագիծը՝ /ՌԷԳ հաշվետվությամբ/ համաձայն «Շրջակա միջավայրի վրա ազդեցության գնահատման և փորձաքննության մասին» ՀՀ օրենքի 14-րդ հոդվածի 1-ին մասի, հանդիսանում է հիմնադրությային փաստաթուղթ:

Համաձայն ծրագրի իրականացվել է՝

- գույքագրման և քարտեզագրական նյութերի ուսումնասիրություններ,
- կլիմայի, լանդշաֆտի, ռելիեֆի և անտառային հողերի տիպերի բնութագրում:



- անտառտնտեսության տարածքում գետերի քանակի և ձգվածության, ջրահավաք ավազանի, լճերի և գրունտային ջրերի մակարդակի վերաբերյալ տեղեկատվություն,
- Լոռու մարզի, և կոնկրետ ծրագրի տարածքում բնակչության զբաղվածության, անտառանյութի տեղական սպառման շուկաների վերաբերյալ տեղեկատվության հավաքագրում,
- ոչ բնափայտային անտառային պաշարների օգտագործման ուսումնասիրություն,
- նախորդ անտառաշինության պլանշետների, անտառառոտային պլանների և քարտեզ սխեմաների ձեռք բերում և ուսումնասիրություն,
- ժամանակավոր օգտագործման հատկացված հողերի քարտեզագրական նյութերի ձեռք բերում և ուսումնասիրություն,
- անտառտնտեսությունների և հարակից հողօգտագործողների սահմանների վերաբերյալ իրավաբանական ձևակերպումների ուսումնասիրություն,
- անտառսերմնային տեղամասերի, պլանտացիաների և տնկարանային տնտեսության առկայության և վիճակի վերաբերյալ տեղեկատվության հավաքագրում,
- հարակից համայնքների հետ անտառաշինական և համայնքների կադաստրային քարտեզներում առկա անտառային հողատեսքերի անհամապատասխանությունների ճշտման աշխատանքներ:

Նկարագրական մաս.

«Հայանտառ» ՊՈԱԿ-ի «Վանաձորի անտառտնտեսությունը» գտնվում է ՀՀ հյուսիսում Լոռու մարզում: Անտառտնտեսության տարածքի ամենաերկար ձգվածությունը հյուսիս-արևմուտքից հարավ-արևելք կազմում 70կմ: Անտառտնտեսության սահմանները որոշվել են ռելիեֆային առանձնահատկություններով (ջրաբաժաններ, ձորակներ, գետակներ, լեռնալանջեր և այլն), որոնք բնության մեջ արտահայտիչ են և հանդիսանում են համեմատաբար կայուն սահման, ինչպես նաև արբանակային պատկերների վերձանման արդյունքների հիման վրա՝ հաշվի առնելով «Վանաձորի անտառտնտեսություն» մասնաճյուղի ներկայիս սահմանները:

2019 թվականի նոյեմբերի 15-ից «Հայանտառ» պետական ոչ առևտրային կազմակերպության «Գուգարքի անտառտնտեսություն» և «Եղեգնուտի անտառտնտեսություն» մասնաճյուղերի միաձուլման արդյունքում ստեղծվել է «Վանաձորի անտառտնտեսություն» մասնաճյուղը:

Անտառտնտեսությունը հյուսիսում սահմանակցում է՝ Լուսաղբյուր, Սարալանջ, Մեծ Պարնի, Շիրակամուտ, Գոգարան, Շենավան, Արևաշող, Քարաձոր, Նոր Խաչակապ, Արջուտ, Ազնվածոր, Բազում, Գյուլագարակ, Հոբարձի, Վարդաբլուր և Ձորագյուղ համայնքների վարչական տարածքների հողերին, արևելքում՝ Դսեղ, Մարգահովիտ և Ֆիոլետովո համայնքների վարչական տարածքների հողերին, ինչպես նաև՝ ՀՀ Տավուշի մարզի «Դիլիջան» ազգային պարկի հողերին: Հարավում սահմանակցում է՝ Խնկոյան, Հարթագյուղ, Ծաղկաբեր, Լեռնավան, Զրաշեն, Սարամեջ, Լեռնանցք, Սպիտակ, Ղուրսայի, Լեռնապատ, Հալավար, Դարպաս, Շահումյան, Լերմոնտովո, Անտառաշեն, Մարգահովիտ և Ֆիոլետովո համայնքների վարչական տարածքների հողերին և ՀՀ Արագածոտնի մարզի Արագածոտնի անտառտնտեսության հողերին, իսկ արևմուտքում սահմանակցում է ՀՀ Շիրակի մարզի Զաջուտ համայնքի վարչական տարածքի և Գյումրիի անտառտնտեսության հողերին:

Անտառտնտեսության կազմում ընդգրկված են 7 անտառպետություններ: Ամենփոքր մակերեսը Խնձորուտի անտառպետությանն է, որը կազմում է ընդհանուր մակերեսի 8,3%-ը, ամենամեծը՝ Եղեգնուտի անտառպետությանը՝ 20,3%-ը, անտառպետությունների միջին մակերեսը 4600,0հա է: Անտառտնտեսության ընդհանուր տարածքը 2008 թվականի համեմատությամբ ավելացել է 1981հա-ով:

Անտառտնտեսության կառուցվածքը

№	Անտառպետության և անվանում	Անտառաշինության տարին			Տարբերություն 2008-ի
		1992	2008	2020	



		Մակերեսը	%	Մակերեսը	%	Մակերեսը	%	համեմատ
1	Վանաձորի	5273,0	21,8	5029,0	16,6	5268,0	16,4	239
2	Խնձորուտի	-	0	2559,0	8,4	2675,0	8,3	116
3	Մարգահովիտի	5745,0	23,8	4061,0	13,4	4134,0	12,8	73
4	Սպիտակի	-	0	4497,0	14,9	5165,0	16,0	668
5	Վահագնի	4210	17,5	4724,0	15,7	4739,0	14,7	15
6	Եղեգնուտի	5698	23,6	5942,0	19,7	6510,0	20,3	568
7	Փամբակի	3220	13,3	3409,0	11,3	3711,0	11,5	302
Ընդամենը		24146,0	100	30221,0	100	32202,0	100	1981,0

Վանաձորի անտառտնտեսության անտառները գտնվում են Հայաստանի հյուսիս-արևելյան անտառաճման և անտառտնտեսական շրջանում, Փոքր Կովկաս լեռնահամակարգի Փամբակի լեռնաշղթայի հյուսիսային լանջերին, որի ամենաբարձր լեռնագագաթը Թեժ լեռն է (3101մ):

Անտառտնտեսությունում անտառները տեղաբաշխված են ծովի մակերևույթից 800-2500մ բարձրությունների վրա, ընդ որում մինչև 1200մ բարձրության վրա գտնվում է անտառների ընդհանուր տարածքի ընդամենը 4,7%-ը, 1201-1800մ բարձրությունների վրա՝ 55,2%-ը, իսկ 1800մ-ից բարձր 40,1%-ը:

Անտառտնտեսության տարածքում ռելիեֆը բնութագրվում է խիստ կտրտվածությամբ և լանջերի դիրքադրության փոփոխությամբ, որտեղ գերակշռում են հյուսիսային դիրքադրության լանջերը, սակայն անկախ կողմնադրություններից, գերակշռող են 26-30° թեքության լանջերը:

Անտառտնտեսության տարածքում հանդիպում են լեռնային դարչնագույն, լեռնային գորշ անտառային և լեռնային մարգագետնային հողերի տիպերը:

Հյուսիսային կողմնադրության լանջերին ձևավորված լեռնային մուգ շագանակավուն հողերը բավականաչափ հզոր են, իսկ հարավային կողմնադրության լանջերում գերիշխում են բաց գորշավուն հողերը, որոնք բնորոշ են կաղնու և կաղնուտ-բոխուտային տարբեր տիպի ծառատներին: Լեռնային (անտառային) դարչնագույն հողերը հանդիպում են մինչև 1700մ բարձրությունների վրա, որոնցում զարգացած են բոխու, կաղնու, թխկու անտառային զանգվածները, անտառային գորշ հողերը հիմնականում հանդիպում են 1400-2000մ բարձրության՝ չափավոր տաք և խոնավ կլիմայի, լվացվող ջրային ռեժիմի և բոխու, կաղնու, հաճարենու ծառատեսակների ծածկոցի պայմաններում, իսկ լեռնամարգագետնային հողերը հիմնականում զբաղեցնում են 2000մ և բարձր տարածքները:

Վանաձորի անտառտնտեսության տարածքն աչքի է ընկնում խիստ արտահայտված ուղղաձիգ գոտիականությամբ, ռելիեֆի խայտաբղետությամբ և դրան համապատասխան բուսական հարուստ կենսաբազմազանությամբ, որը հիմնականում պայմանավորված է աշխարհագրական դիրքով և ծովի մակերևույթից բարձրությամբ:

Անտառածածկ մակերեսի 69%-ը տեղաբաշխված է հյուսիսային դիրքադրության, իսկ 31%-ը հարավային դիրքադրության լանջերին:

Անտառակազմող գլխավոր ծառատեսակներն են արևելյան հաճարին, արևելյան կաղնին, կովկասյան բոխին, իսկ ուղեկցող ծառատեսակներն են լորենին, հացին, կեչին, սրատերև թխկին և այլ տեսակներ, որոնք մասնակցում են հաճարի և կաղնու խառը կամ բարդ ծառատների կազմավորմանը, իսկ առանձին դեպքերում ձևավորում են միատարր փոքր ծառատներ:

Վանաձորի անտառտնտեսության տարածքում բնապահպանական բարձրաժեշտ անտառները առանձնացվել են ըստ Ազգային ուղեցույցում (2016) բերված մեթոդաբանության:

Կենդանական աշխարհը ներկայացված է Կովկասյան լայնատերև անտառներին բնորոշ տեսակներով:

Վանաձորի անտառտնտեսության տարածքը հարուստ է բազմաթիվ օգտակար բուսատեսակներով, որոնցից շատերը լայնորեն և վաղուց կիրառվում են մարդու կողմից:



Անտառային մշակույթների արտադրողականության որոշման համար մշակույթները պայմանականորեն հավասարեցված են ծառուտների I հասակային դասին, ընդ որում ասեղնատերևավոր ծառատեսակների միջին աճը հաշվարկված է II հասակային դասի ծառուտների միջին աճի 40%-ի չափով, իսկ տերևավոր ծառատեսակներինը՝ II հասակային աճի 60%-ի չափով:

Անտառի գույքագրման և գնահատման արդյունքներով I հասակային դասի 1հա-ի միջին աճը ասեղնատերևավոր ծառատեսակների համար $2,0մ^3$ է, իսկ տերևավոր տեսակների մոտ $1,30մ^3$: Բնական վերաճին օժանդակող միջոցառումների արդյունքում լրացուցիչ աճը կկազմի $10102,6 \times 0,2մ^3$ հա (պայմանականորեն) = $2020,5մ^3$: Այսպիսով, նախատեսվող միջոցառումների արդյունքում սպասվելիք լրացուցիչ տարեկան աճը կկազմի $7687,3մ^3$:

Պահպանության հիմնական խնդիրն է նվազագույնի հասցնել անտառային և այլ էկոհամակարգերի ու պաշարների չհամակարգված օգտագործումը, նվազեցնել հրդեհների ռիսկերը, ինչպես նաև բնական վերականգնման օժանդակման միջոցառումներով վերականգնել դեգրադացված անտառային տարածքները: Պահպանության գործողություններում ներառվում են՝

- դեգրադացված անտառային էկոհամակարգերի վերականգնում, ինչը անհրաժեշտ է վտանգված տեսակների վիճակի բարելավման, ինչպես նաև անտառային հատվածների միասնականության և ամբողջականության ապահովման (ֆրագմենտացիայի նվազեցման) համար,

- բարձր բնապահպանական արժեք ունեցող անտառների (ԲԲԱԱ) առանձնացում և համապատասխան կառավարում: ԲԲԱԱ-ների կառավարման գործողությունները պետք է ուղղված լինեն հայտնաբերված արժեքների պահպանմանը և վերականգնմանը:

- ինքնակամ հատումների ծավալների կրճատման նպատակով համալիր ծրագրի մշակում և իրականացում,

- համայնքների կողմից օգտագործվող արոտավայրերի և խոտհարքների կայուն կառավարման սխեմաների մշակում՝ բացառելով անտառվերականգնման ենթակա անտառներում անասունների մուտքը, ընդ որում պետք է գտնվեն այդ անտառներից դուրս, իսկ խոտհարքերում (որոնք շատ դեպքերում անտառային բացատներն են) կատարվող գործողությունները չպետք է բացասաբար անդրադառնան սերմնային ինքնավերականգնման վրա, իսկ համեմատաբար բարձր թեթվությունների վրա գտնվող արոտավայրերի օգտագործումը չհանգեցնի էրոզիոն պրոցեսների ակտիվացմանը: Բնակավայրերից շատ մոտ գտնվող վերականգնման ենթակա տարածքների ցանկապատում՝ ընտանի կենդանիների մուտքն արգելելու նպատակով:

Անտառկառավարման 10 տարիների համար նախատեսվում է անտառտնտեսական և հակահրդեհային նշանակության ճանապարհների վերանորոգում ընդհանուր 25կմ:

«Հայանրառ» ՊՈԱԿ-ի «Ստեփանավանի անտառօրնտեսությունը» գտնվում է Լոռու մարզի նախկին Ստեփանավանի վարչական շրջանում: Մասնաճյուղի կազմում ընդգրկված են երկու՝ Ստեփանավանի 6009,0հա և Գյուլագարակի՝ 2864,0հա մակերեսով անտառպետությունները: Ստեփանավանի անտառտնտեսության ընդհանուր տարածքը կազմում է 8873,0հա:

ԱՆՏԱՌՏՆՏԵՍՈՒԹՅԱՆ ԿԱՌՈՒՑՎԱԾՔԸ

		1992 թ.		2008 թ.		2020 թ.	
		Մակերեսը, հա	%	Մակերեսը, հա	%	Մակերեսը, հա	%
1	Լավարի	2293,0	24.6	-	-	-	-
2	Ստեփանավանի	4341,0	46.8	4121,3	61.8	6009,0	67.7
3	Գյուլագարակի	2659,0	28.6	2543,7	38.2	2864,0	32.3



Ընդամենը	9293,0	100	6665,0	100	8873,0	100
----------	--------	-----	--------	-----	--------	-----

Ստեփանավանի անտառտնտեսության անտառները գտնվում են Փոքր Կովկասյան լեռնաշղթայի կենտրոնական հատվածի արևելաանդրկովկասյան անտառածման գոտում և, հիմնականում, տեղաբաշխված են Բազումի լեռնաշղթայի հյուսիսային լեռնաբազուկների ու լանջերի վրա, որոնք աստիճանաբար ցածրանալով ծովում են Գարգառի և Կուրթանի բարձրադիր գոգահովիտներին: Ոչ մեծ անտառային զանգվածներ հանդիպում են նաև Լեջան լեռնազանգվածի հարավային լեռնալանջերում՝ հիմնականում անտառմշակույթների տեսքով:

Անտառտնտեսությունում անտառները տեղաբաշխված են ծովի մակերևույթից 800-2200մ բարձրությունների վրա, ընդ որում մինչև 1200մ բարձրության վրա գտնվում է անտառների ընդհանուր տարածքի ընդամենը 2,3%-ը (195,5հա), 1201-1800մ բարձրությունների վրա՝ 76,5%-ը (5292,1հա), իսկ 1800մ-ից բարձր 21,2%-ը (1469,0հա): Անտառապետություններում հետևյալ հարաբերակցությունն է՝ Ստեփանավանի անտառապետությունում համապատասխանաբար՝ 2,4%, 75,9%, 21,7%, իսկ Գյուլագարակի անտառապետությունում՝ 3,7%, 76,0% և 20,3%: Անտառածածկ մակերեսի 69%-ը տեղաբաշխված է հյուսիսային դիրքադրության, իսկ 31%-ը հարավային դիրքադրության լանջերին: Ստեփանավանի անտառտնտեսության տարածքը ըստ անտառածման պայմանների մտնում է Լոռվա սարահարթի չափավոր խոնավ շրջանի մեջ, ընդգրկում է սարահարթի մեջ մտնող Ձորագետի աջափնյակը, ինչպես նաև նախկին Ստեփանավանի շրջանի լեռնային հատվածը:

Անտառկազմող գլխավոր ծառատեսակներն են արևելյան հաճարին, արևելյան կաղնին, կովկասյան բոխին, կովկասյան սոճին, իսկ ուղեկցող ծառատեսակներն են լորենին, հացին, կեչին, սրատերև թխկին և այլ տեսակներ, որոնք մասնակցում են հաճարի և կաղնու խառը կամ բարդ ծառատների կազմավորմանը, իսկ առանձին դեպքերում ձևավորում են միատարր ոչ մեծ ծառատներ:

Ստեփանավանի անտառտնտեսության տարածքում ամենամեծ գետը Ձորագետն է՝ Դեբեդի վտակը, որի վտակներն են՝ Տաշիրը, Հովնաձորը, Ուռուտը և Չքնաղը: Ձորագետը սկիզբ է առնում Զավախքի լեռնաշղթայից և, հոսելով Լոռվա հրաբխային սարավանդով, առաջացնում է մոտ 80-100մ խորության կանիոն: Գետի երկարությունը 67,0կմ է, ավազանը՝ 1461,0կմ², տարեկան հոսքը մոտ 531,0միլ.մ³, ջրի ծախսը մոտ 43,0մ³, հոսքի գործակիցը՝ 0,48: Գետի կարևոր առանձնահատկություններից մեկն էլ այն է, որ սնումը խառն է, կատարվում է անձրևաջրերի, ձնհալքի և ստորերկրյա ջրերի հաշվին, ընդ որում 53%-ը ձնհալից և անձրևաջրերից, 47%-ը ստորգետնյա ջրերից:

Անտառտնտեսության ընդհանուր մակերեսի 2008-ի համեմատությամբ 2020թ. ավելացումը 2208,0հա-ով, իսկ անտառածածկի մակերեսը 1243,0հա-ով բացատրվում է անտառտնտեսության շրջակա համայնքների հետ սահմանների և անտառշինական ու համայնքների կադաստրային քարտեզագրական նյութերում առկա անհամապատասխանությունների ճշտման, վերջին տարիներին բնական վերականգնման հետևանքով անտառապատված տարածքների ներառմամբ, ինչպես նաև երկրատեղեկատվական համակարգով մակերեսների ճշտման հանգամանքներով:

Անտառտնտեսությունում հիմնական անտառկազմող տեսակներն են արևելյան հաճարին, որի գերակշռությամբ ծառատները զբաղեցնում են 1547,2հա՝ 224300մ³ ընդհանուր պաշարով, կամ անտառածածկ մակերեսի 22,4%-ը և ընդհանուր պաշարի 31,9%-ը, ընդ որում 2008թ. համեմատությամբ մակերեսը նվազել է 410,1 հեկտարով, իսկ ընդհանուր պաշարը՝ 124300խմ-ով, բոխու գերակշռությամբ ծառատները զբաղեցնում են 2698,9հա, ընդհանուր պաշարը 207920մ³ (անտառածածկի 39,0%-ը և պաշարի 29,5%-ը), 2008թ. համեմատությամբ զբաղեցրած մակերեսը ավելացել է 1070,6հեկտարով, ընդհանուր պաշարը 26730 խմ-ով, կաղնուտները՝ 850,3հա, 63450խմ (անտառածածկ տարածքի 12,3%-ը և պաշարի 9,0%-ը),



սոճուտները՝ 1272,2հա, 186080մ³ պաշարով (18,4% և 26,4%) և մնացած տեսակները միասին կազմում են անտառածածկի 7,9%-ը և ընդհանուր պաշարի 3,2%-ը:

Անտառտնտեսության ծառուտների միջին լրիվությունը 0,55 է, ընդ որում հիմնական անտառկազմող բարձրաբուն կաղնուտներում և հաճարկուտներում 0,53 և 0,54: Ցածր լրիվության (0,3-0,4) ծառուտները զբաղեցնում են ընդհանուր 1552,7հա մակերես, կամ ընդհանուր մակերեսի 22,34%-ը: 2008թ. գույքագրման արդյունքներով կազմել 814,5հա (14,3%): Միջին լրիվության (0,5-0,6) ծառուտները զբաղեցնում են ընդհանուր 4034,9հա մակերես՝ 58,0%-ը, 2008թ. 4029,8հա (71%): Բարձր լրիվության (0,7 և բարձր) ծառուտները կազմում են ընդհանուր անտառածածկի 18,6%-ը, 2008թ՝ 14,6%:

Անտառների միջին բոնիտետային դասը III-4 է, համեմատաբար բարձր բոնիտետային դասով առանձնանում են հաճարկուտները, որոնց միջին բոնիտետային դասը III-3 է, սոճին II-5, սերմնային բոխու և հացենու գերակշռությամբ ծառուտները՝ III-5 և III-2, բարձրաբուն կաղնուտներինը՝ IV-1:

Անտառտնտեսություններում անտառաճման պայմանները բարենպաստ են թարմ չափավոր խոնավությամբ համեմատաբար բերրի հողերում աճող անտառային տեսակների համար, որը և հաշվի է առնվել անտառվերականգնման համալիր միջոցառումների նախատեսման ժամանակ:

Անտառտնտեսության 2008թ. կառավարման պլանի անտառի գույքագրման և գնահատման տվյալներով անտառի միջին տարիքը եղել է 71, իսկ 2020թ. 64, ինչը վկայում է իրականացված չհամակարգված հատումների մասին: Անտառտնտեսության ընդհանուր մակերեսի 2008 թվականի համեմատությամբ 2020թ. ավելացումը 2208,0հա-ով բացատրվում է շրջակա բնակավայրերի կադաստրային և անտառտնտեսության ընթացիկ գույքագրմամբ անտառային հողատեսքերի ու սահմանների ճշտման, նույն թվում նաև անտառտնտեսության գործող սահմաններից դուրս սոճու սերմնային վերականգնված տարածքների միացման հանգամանքով: Նշված ժամանակաշրջանում անտառածածկ մակերեսն ավելացել է ընդհանուր 1243,0հա-ով, իսկ ընդհանուր պաշարը ավելացման փոխարեն, ընդհակառակը նվազել է 23640,0մ³-ով, ինչը ևս վկայում է իրականացված ծավալուն հատումների մասին:

Անտառտնտեսության 2008թ. կառավարման պլանի անտառի գույքագրման և գնահատման տվյալներով անտառի միջին տարիքը եղել է 71, իսկ 2020թ. 64, ինչը վկայում է իրականացված չհամակարգված հատումների մասին:

Անտառների միջին բոնիտետային դասը III-4 է, համեմատաբար բարձր բոնիտետային դասով առանձնանում են հաճարկուտները, որոնց միջին բոնիտետային դասը III-3 է, սոճին II-5, սերմնային բոխու և հացենու գերակշռությամբ ծառուտները՝ III-5 և III-2, բարձրաբուն կաղնուտներինը՝ IV-1:

Իրականացված չհամակարգված հատումների հետևանքով փոփոխությունների է ենթարկվել ծառուտի միջին կազմը՝ որոշակի նվազել է բարձրարժեք հաճարի և սոճի տեսակների մասնակցությունը ծառուտի միջին կազմում:

Չհամակարգված հատումների հետևանքով հատված կամ նոսրուտների վերածված տարածքներում, բնական սերմնային վերականգնման և սերմնային վերահին օժանդակման ճանապարհով, երիտասարդ տարիքի ծառուտների մակերեսը ավելացել է 452,7հա-ով:

Անտառտնտեսությունում հասուն և գերհասուն ծառուտները զբաղեցնում են ընդամենը 63,4հա մակերես:

Անտառային հողերին պատկանում են՝ անտառածածկ հողերը, ոչ անտառածածկ հողերը չմիակցված սաղարթով անտառմշակույթները անտառային տնկարանները և պլանտացիաները:



Պաշտպանական նշանակության հողատեսքերի ընդհանուր մակերեսը զբաղեցնում է ամբողջ տարածքի 60,6%-ը (5373,9հա), այդ թվում անտառային հողերը՝ 5072,5հա, որից անտառածածկը՝ 3910,3հա է, նույն թվում անտառմշակույթները՝ 1025,2հա: Անտառտնտեսության ընդհանուր հողատեսքերում անտառածածկ մակերեսը 6917,9հա է (78,0%), որից ընդհանուր 1337,1հա է միակցված սաղարթով անտառմշակույթ (37,6%), հրդեհված, համատարած հատված և չվերականգնված մակերեսը՝ 248,7հա, անտառային բացատները և պարապտները՝ 1083,1հա, նոսրուտները՝ 266,7հա:

«Ստեփանավանի» անտառտնտեսության տարածքում հանդիպում են անոթավոր բույսերին 62 ընտանիքի 142 ցեղին պատկանող 389 տեսակ:

Տարածքում աճող բույսերից 6 տեսակ ընդգրկված են Հայաստանի Կարմիր գրքում: Անտառտնտեսության տարածքը հարուստ է բազմաթիվ օգտակար բուսատեսակներով, որոնցից շատերը լայնորեն և վաղուց կիրառվում են մարդու կողմից:

Հիմք ընդունելով Հայաստանի անտառներում անտառվերականգնման հատումների իրականացման կարգը (ՀՀ կառավարության 07 սեպտեմբերի 2006թ. N:1412-Ն որոշում), հաշվի առնելով, որ անտառտնտեսությունում բացակայում են արտադրական նշանակության կատեգորիայի հասուն տարիքային խմբի ծառատները, անտառվերականգնման հատումներ չեն նախատեսվել:

Ծառուտի տարիքից, լրիվությունից և ընդհանուր վիճակից կախված՝ նախագծվել են խնամքի հատումներ՝ հատման կրկնման հետևյալ հաճախականությամբ.

1. լուսավորման - մաքրման - հատման կրկնման հաճախականությունը 5 տարի,
2. նոսրացման - հատման կրկնման հաճախականությունը 10 տարի,
3. անցումային - հատման կրկնման հաճախականությունը 10 տարի:

2021-2030 թվականների համար խնամքի հատումներ նախատեսվել են ընդհանուր 554,1հա անտառածածկ հատվածներում ընդհանուր պաշարը 68878,0մ³, հատման նախատեսված ընդհանուր պաշարը 10259,0մ³, այդ թվում իրացման ենթակա բնափայտը 7997,0մ³, որից շինափայտի պաշարը 3352,0մ³, վառելափայտը 4645,0մ³:

Նոսրացման հատումներ նախատեսվել են ընդհանուր 222,1 հեկտարի վրա, հատվածների ընդհանուր պաշարը 14336մ³, հատման նախատեսված պաշարը 2114խտմ³, այդ թվում իրացման ենթակա պաշարը 1666մ³, որից շինափայտի պաշարը 87մ³, իսկ վառելափայտը 1579մ³:


Անցումային հատումներ նախատեսվել են ընդհանուր 225,2 հեկտարի վրա, հատվածների ընդհանուր պաշարը 50510մ³, հատման նախատեսված պաշարը 7502խտմ³, այդ թվում իրացման ենթակա պաշարը 6012մ³, որից շինափայտի պաշարը 3265մ³, իսկ վառելափայտը 2747մ³:

Ստեփանավանի անտառտնտեսությունում նախատեսված բոլոր հատումների ընդհանուր ծավալը 565,0հա-ի վրա կազմում է 10539խտմ³:

Հիմնական վտանգներ շարունակում են մնալ ապօրինի հատումները, արածեցումը՝ հատկապես համայնքամերձ անտառներում անասունների անարգել մուտքը, բույսերի չհամակարգված հավաքը և արոտավայրերի ոչ ճիշտ կառավարումը:

Անտառային էկոհամակարգերի և կենսաբազմազանության վրա ազդեցություն կարող է ունենալ կլիմայի փոփոխությունը՝ ջերմաստիճանի բարձրացման և խոնավության նվազման միտումները: Բուսական էկոհամակարգերի համար սպառնալիք կարող է հանդիսանալ նաև ինվազիվ և էքսպանսիվ բուսատեսակների տարածումը:

Կախված անտառօրինվող տարածքի տեղադրությունից, վիճակից, աճեցվող, ծառատեսակների կենսաբանական առանձնահատկություններից, անտառմշակման նպատակից նախատեսվում են սերմերի ցանքի կամ տունկի եղանակով:



Վրաստանի հանրապետությանը, հարավից Ստեփանավանի, արևելքից Ջիլիզայի անտառտնտեսություններին, արևմուտքից Շիրակի մարզին: Անտառտնտեսության տարածքի ձգվածությունը հյուսիսից հարավ 25,0կմ է, իսկ արևելքից արևմուտք՝ 39,0կմ:

Անտառտնտեսության սահմանները որոշվել են ռելիեֆային առանձնահատկություններով (ջրաբաժաններ, ձորակներ, գետակներ, լեռնալանջեր և այլն), որոնք բնության մեջ արտահայտիչ են և հանդիսանում են համեմատաբար կայուն սահման, ինչպես նաև արբանակային պատկերների վերծանման արդյունքների հիման վրա՝ հաշվի առնելով «Տաշիրի անտառտնտեսություն» մասնաճյուղի գործող սահմանները:

ԱՆՏԱՌՏՆՏԵՍՈՒԹՅԱՆ ԿԱՌՈՒՑՎԱԾՔԸ

№	Անտառապետության անվանումը	1992 թ.		2008 թ.		2020 թ.	
		Մակերեսը, հա	%	Մակերեսը, հա	%	Մակերեսը, հա	%
1	Լալվարի	-	-	2288	33.3	2754	32,4
2	Տաշիրի	1471	30.3	2263	33.0	2552	30,0
3	Մեծավանի	1696	35.0	2309	33.7	3195	37,6
4	Սարչապետի	1683	34.7	-	-	-	-
	Ընդամենը	4850	100	6860	100	8501	100

Տաշիրի անտառտնտեսության անտառները գտնվում են Փոքր Կովկասյան լեռնաշղթայի կենտրոնական հատվածի արևելաանդրկովկասյան անտառածածկ գոտում: Հիմնականում, տեղաբաշխված են Լոռվա սարահարթի վերին մասում, մասամբ՝ Վիրահայոց լեռնաշղթայի հարավային լեռնաբազուկներին:

Անտառները տեղաբաշխված են ծովի մակերևույթից 1100-2200մ բարձրությունների վրա:

Անտառտնտեսության տարածքում ռելիեֆը բնութագրվում է խիստ կտրտվածությամբ և լանջերի դիրքադրության փոփոխությամբ, որտեղ գերակշռում են հյուսիսային դիրքադրության լանջերը, սակայն, անկախ կողմնադրություններից, գերակշռող են 25°-ից բարձր թեքության լանջերը:

Անտառտնտեսությունում հիմնական անտառկազմող տեսակներն են արևելյան հաճարին, որի գերակշռությամբ ծառատները զբաղեցնում են 1478,3հա՝ 296280,0մ³ ընդհանուր պաշարով, կամ անտառածածկ մակերեսի 28,5%-ը և ընդհանուր պաշարի 47,8%-ը (սահմանային Լալվարի անտառապետություն), ընդ որում 2008թ. համեմատությամբ մակերեսը ավելացել է 213,9 հեկտարով, իսկ ընդհանուր պաշարը՝ 31960մ³-ով:

Երիտասարդ ծառատները (I և II հասակային դասեր) զբաղեցնում են 1727,1հա, 77760մ³ պաշարով (անտառածածկի 33,3% և պաշարի 12,5%-ը: Անտառտնտեսությունում 2008թ. ծառատների միջին լրիվությունը եղել է 0,55:

Միջին տարիքի ծառատները, որոնք բացարձակ գերակշռում են, զբաղեցնում են 3024,9հա, 470560մ³ պաշարով (համապատասխանաբար 58,4% և 76,0%):

Անտառների միջին բոնիտետային դասը III-6 է, համեմատաբար բարձր բոնիտետային դասով առանձնանում են հաճարկուտները, որոնց միջին բոնիտետային դասը III-2 է, բոխին՝ III-3 սոճին՝ III-6, բարձրարուն կաղնուտներինը՝ IV-1:

Տարածաշրջանի կլիման նախատում է անտառտնտեսության տարածքում անտառի թարմ(չափավոր խոնավ) տիպերի գերակշռությանը (տարախոտային), որը գերակշռում է ընդհանուր անտառածածկի 67,6%-ը (3505,4հա):



Հայաստանի Հանրապետության
Քաղաքացիական ծառայության մարմին

ԾԱՌԱՅԱՐԱՆԱՆԻ
ՇՈՒՄԱՆՈՒԹՅԱՆ
ՀԱՅԱՍՏԱՆԻ
ՑԻՊԼԻՆԱՐԿԱՆ
ԿՈՄԻՏԵ
12

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ
ՔԱՂԱՅԱՐԱՆԱՆԻ ՇՈՒՄԱՆՈՒԹՅԱՆ
ՀԱՅԱՍՏԱՆԻ ԾԱՌԱՅԱՐԱՆԱՆԻ
ՑԻՊԼԻՆԱՐԿԱՆ ԿՈՄԻՏԵ

2021-2030 թվականների համար խնամքի հատումներ նախատեսվել են ընդհանուր 519,1հա անտառածածկ հատվածներում, ընդհանուր պաշարը 85080մ³, հատման նախատեսած ընդհանուր պաշարը 10730մ³, այդ թվում իրացման ենթակա բնափայտը 8790մ³, որից շինափայտի պաշարը 3707մ³, վառելափայտը 5083մ³:

Նոսրացման հատումներ նախատեսվել են ընդհանուր 93,7 հեկտարի վրա, հատվածների ընդհանուր պաշարը 11470մ³, հատման նախատեսած պաշարը 1428խտ.մ³, այդ թվում իրացման ենթակա պաշարը 1141մ³, որից շինափայտի պաշարը 420մ³, իսկ վառելափայտը 721մ³:

Անցումային հատումներ նախատեսվել են ընդհանուր 425,4հա-ի վրա, հատվածների ընդհանուր պաշարը 73610մ³, հատման նախատեսած պաշարը 9302խտ.մ³, այդ թվում իրացման ենթակա պաշարը 7649մ³, որից շինափայտի պաշարը 3287մ³, իսկ վառելափայտը 4362մ³:

ՀՀ անտառային օրենսգիրքը (2005թ), սանիտարական հատումների իրականացման կարգը և անտառկառավարման պլանների մշակման հրահանգը սահմանում են անտառպաշտպանական միջոցառումների իրավական ասպեկտները և իրականացման կարգը, համաձայն որոնց անտառպաշտպանական միջոցառումները ներառում է անտառապաթոզիական ռսումնասիրություններ, անտառի վնասատուների և հիվանդությունների կանխարգելում և սանիտարական հատումներ:

Տաշիրի անտառտնտեսությունում նախատեսված բոլոր հատումների ընդհանուր ծավալը 558,4հա-ի վրա կազմում է 12080,0խտ.մ³, այդ թվում իրացման ենթակա անտառանյութի պաշարը 10140,0մ³ է, որից շինափայտը՝ 3877,0մ³:

2021-30 թվականների համար նախատեսվում են անտառհիմնման միջոցառումներ՝ ընդհանուր 1609,8հա վրա, նույն թվում անտառային բացատներում և ազատ տարածքներում (պարսպոտ)՝ 1157,2հա, հատված և չվերականգնված տարածքներում, ինչպես նաև անթրոպոգեն նոսրուտներում ընդհանուր 213,4հա:

Ցածր լրիվության ծառուտների լրիվության և արտադրողականության բարձրացման միջոցառումներ նախատեսվում է բնական վերականգնման միջոցառումներ ընդհանուր 222,8հա վրա, հարթանների պատրաստման եղանակով՝ լրացուցիչ սերմերի ցանքով:

Բնական վերականգնման օժանդակման նպատակով նախատեսվում է 35000գծմ ցանկապատում, որի արդյունքում շուրջ 2900,0հա անտառներում կկանխվի անասունների մուտքը, ինչն էլ կնպաստի բնական վերականգնմանը:

Անտառապատման և անտառվերականգնման եղանակներ կախված անտառհիմնվող տարածքի տեղադրությունից, վիճակից, աճեցվող ծառատեսակների կենսաբանական առանձնահատկություններից, անտառապատման նպատակից նախատեսվում են սերմերի ցանքի կամ տունկի եղանակով:

2021-30թթ. ժամանակաշրջանի անտառային մշակույթների արտադրողականության որոշման համար մշակույթները պայմանականորեն հավասարեցված են ծառուտների I հասակային դասին, ընդ որում ասեղնատերևավոր ծառատեսակների միջին աճը հաշվարկված է II հասակային դասի ծառուտների միջին աճի 40%-ի չափով, իսկ տերևավոր ծառատեսակներինը՝ II հասակային աճի 60%-ի չափով:

Անտառի գույքագրման և գնահատման արդյունքներով I հասակային դասի 1հա-ի միջին աճը ասեղնատերևավոր ծառատեսակների համար 2,0մ³ է, իսկ տերևավոր տեսակների համար 1,30մ³:

Բնական վերաճին օժանդակող միջոցառումների արդյունքում լրացուցիչ անտառ կկազմի (3122,6x0,2մ³)հա (պայմանականորեն) = 624,52 մ³:



Այսպիսով, նախատեսվող միջոցառումների արդյունքում սպասվելիք լրացուցիչ տարեկան աճը կկազմի 2857,02մ³: Նախատեսվող միջոցառումների արդյունքում էական փոփոխություն է ակնկալվում նաև ծառուտների տեսակային կազմում:

Պահպանության հիմնական խնդիրն է նվազագույնի հասցնել անտառային և այլ էկոհամակարգերի ու պաշարների չհամակարգված օգտագործումը, նվազեցնել հրդեհների ռիսկերը, ինչպես նաև բնական վերականգնման օժանդակման միջոցառումներով վերականգնել դեգրադացված անտառային տարածքները: Պահպանության գործողություններում ներառվում են՝

- դեգրադացված անտառային էկոհամակարգերի վերականգնում, ինչը անհրաժեշտ է վտանգված տեսակների վիճակի բարելավման, ինչպես նաև անտառային հատվածների միասնականության և ամբողջականության,

- բարձր բնապահպանական արժեք ունեցող անտառների (ԲԲԱԱ) առանձնացում և համապատասխան կառավարում: ԲԲԱԱ-ների կառավարման գործողությունները պետք է ուղղված լինեն հայտնաբերված արժեքների պահպանմանը և վերականգնմանը,

- ինքնակամ հատումների ծավալների կրճատման նպատակով համալիր ծրագրի մշակում և իրականացում,

- համայնքների կողմից օգտագործվող արոտավայրերի և խոտհարքների կայուն կառավարման սխեմաների մշակում՝ բացառելով անտառվերականգնման ենթակա անտառներում անասունների մուտքը, ընդ որում պետք է գտնվեն այդ անտառներից դուրս, իսկ խոտհարքերում (որոնք շատ դեպքերում անտառային բացատներն են) կատարվող գործողությունները չպետք է բացասաբար անդրադառնան սերմնային ինքնավերականգնման վրա, իսկ համեմատաբար բարձր թեությունների վրա գտնվող արոտավայրերի օգտագործումը չհանգեցնի էրոզիոն պրոցեսների ակտիվացմանը: Բնակավայրերից շատ մոտ գտնվող վերականգնման ենթակա տարածքների ցանկապատում՝ ընտանի կենդանիների մուտքն արգելելու նպատակով:

«Հայանյարառ» ՊՈԱԿ-ի «Զիլիզայի անտառփնտեսությունը» գտնվում է Լոռու մարզի նախկին Թումանյանի վարչական շրջանում: Անտառտնտեսությունը հյուսիսից սահմանակցում է Վրաստանի հանրապետությանը, հարավից և հարավ-արևելքից Թումանյանի և արևմուտքից Տաշիրի անտառափնտեսություններին: Անտառտնտեսության տարածքի ձգվածությունը հյուսիսից հարավ 16,0կմ է, իսկ արևելքից արևմուտք՝ 26,0կմ:

Անտառտնտեսության սահմանները որոշվել են ռելիեֆային առանձնահատկություններով (ջրաբաժաններ, ձորակներ, գետակներ, լեռնալանջեր և այլն), որոնք բնության մեջ արտահայտիչ են և հանդիսանում են համեմատաբար կայուն սահման, ինչպես նաև արբանակային պատկերների վերծանման արդյունքների հիման վրա՝ հաշվի առնելով «Զիլիզայի անտառտնտեսություն» մասնաճյուղի ներկայիս սահմանները:

Անտառտնտեսության կառուցվածքը

№	Անտառափնտեսության անվանումը	1989 թ.		2008 թ.		2020 թ.	
		Մակերեսը, հա	%	Մակերեսը, հա	%	Մակերեսը, հա	%
1	Ախլբորփի	4225	38,8	4349	28,4	4073	20,9
2	Խոժոռնի	3725	34,2	3691	24,1	3685	18,9
3	Բերդաձորի	3934	27,0	2935	19,2	2925	15,0



4	Ճոճկանի	-	-	4318	28,2	4380	22,5
5	Շամլուղի	-	-	-	-	4391	22,7
Ընդամենը		10884	100	15293	100	19454	100

Զիլիզայի անտառտնտեսության անտառները գտնվում են Փոքր Կովկաս լեռնաշղթայի կենտրոնական հատվածի արևելաանդրկովկասյան անտառածածկի գոտում: Հիմնականում, տեղաբաշխված են Վիրահայոց լեռնաշղթայի լեռնաբազուկներին: Ամենաբարձր կետը Լավվարն է՝ 2543մ:

Անտառները տեղաբաշխված են ծովի մակերևույթից 600-2100մ բարձրությունների վրա:

Անտառտնտեսության տարածքում ռելիեֆը բնութագրվում է խիստ կտրտվածությամբ և լանջերի դիրքադրության փոփոխությամբ, որտեղ գերակշռում են հյուսիսային դիրքադրության լանջերը, սակայն, անկախ կողմնադրություններից, գերակշռող են 25° -ից բարձր թեքության լանջերը:

Անտառտնտեսության տարածքում ֆլորայի կազմը պայմանավորված է հիմնականում աշխարհագրական դիրքով և ծովի մակերևույթից եղած բարձրությամբ և ներկայացված է Թումանյանի ֆլորիստական շրջանում, որում հիմնական բուսական տեսակը անտառայինն է: Կենդանական աշխարհը ներկայացված է Կովկասյան լայնատերև անտառներին բնորոշ տեսակներով: Տարածքի կենդանական աշխարհի բազմազանությանն ու հարստությանը նպաստում է լեռնային խիստ կտրտված ռելիեֆը:

Ուսումնասիրվող տարածքի ջրագրական ցանցը պատկանում է Դեբեդ և Խրամ գետերի ավազանին, ընդ որում Դեբեդը հանդիսանում է անտառտնտեսության հարավային սահմանը: Ինչպես բոլոր լեռնային երկրներում, այստեղ ևս ջրագրական ցանցը զարգացած է, սակայն բնութագրվում է խիստ անհամաչափ բաշխվածությամբ և արտահայտված սեզոնայնությամբ: Տարածքի գետերի կարևոր առանձնահատկություններից մեկն էլ այն է, որ դրանց սնումը խառն է, որը կատարվում է անձրևաջրերի, ձնհալքի և ստորերկրյա ջրերի հաշվին:

Անտառային հողերին պատկանում են՝ անտառածածկ հողերը, ոչ անտառածածկ հողերը, չմիակցված սաղարթով անտառմշակույթները, անտառային տնկարանները և պլանտացիաները:

Անտառտնտեսությունում հիմնական անտառկազմող տեսակներն են արևելյան հաճարին, որի գերակշռությամբ ծառուտները զբաղեցնում են 6930,3հա՝ 1128740,0մ³ ընդհանուր պաշարով, կամ անտառածածկ մակերեսի 39,8%-ը և ընդհանուր պաշարի 51,8%-ը, ընդ որում 2008թ. համեմատությամբ մակերեսը ավելացել է 556,7հա-ով, իսկ ընդհանուր պաշարը նվազել է 45830մ³-ով:

Անտառտնտեսությունում անտառածածկ մակերեսի և պաշարի հետևյալ բաշխվածությունն է ըստ տարիքային խմբերի: Երիտասարդ ծառուտները (I և II հասակային դասեր) զբաղեցնում են 530,8հա, 30810մ³ պաշարով (անտառածածկի 3,1 % և պաշարի 1,4%-ը:

Միջին տարիքի ծառուտները, որոնք բացարձակ գերակշռում են, զբաղեցնում են 14064,6հա, 1842270մ³ պաշարով (համապատասխանաբար 80,8% և 84,2%):

Հասունացող և հասուն ծառուտները զբաղեցնում են համապատասխանաբար 1508,4հա (8,7%) և 1304,4հա (7,6%), 197190մ³ (9,0%) և 108920մ³ (5,4%):

Անտառտնտեսության 2008թ. գնահատման արդյունքներով հետևյալ պատկերն է՝ երիտասարդ ծառուտները զբաղեցրել են անտառածածկի 2,4%-ը և պաշարի 0,5%-ը, միջին տարիքի ծառուտները՝ համապատասխանաբար 79,6% և 82,4%, հասունացող և հասուն ծառուտների մակերեսը՝ 11,1% և 6,9%, պաշարը՝ 12,8% և 4,3%:



[illegible]

անտառտնտեսության Շամլուղի անտառպետության Զիլիզայի անտառտնտեսության կազմում ընդգրկելու հանգամանքներով:

Համաձայն անտառվերականգնման հատումների իրականացման կարգի, անտառվերականգնման հատումներ նշանակվում են բացառապես արտադրական նշանակության հասուն և գերհասուն անտառներում, որի նպատակն է անտառային պաշարների կայուն և արդյունավետ օգտագործման, անտառի ջրապահպան, ջրակարգավորիչ և պաշտպանական հատկանիշների ամրապնդման, անտառվերականգնման, տնտեսապես արժեքավոր ծառատեսակների վերարտադրության, անտառի արտադրողականության բարձրացման, բնական միջավայրի բարելավման ու պահպանման բարելավումը, ինչպես նաև հասուն և գերհասուն տարիքի ծառերի փոխարինումը երիտասարդ, բարձրարժեք ծառատեսակներով:

Համաձայն անտառկառավարման պլանների մշակման հրահանգի՝ խնամքի հատումները նշանակվում են այն բոլոր ծառատների համար, որտեղ, անտառագիտական հասկացողությամբ, խնամք է պահանջվում, ընդ որում խնամքի հատումները չեն նախատեսվում անտառվերականգնման հատումից մեկ հասակային դաս առաջ:

Ծառուտի տարիքից, լրիվությունից և ընդհանուր վիճակից կախված՝ նախագծվել են խնամքի հատումներ՝ հատման կրկնման հետևյալ հաճախականությամբ.

1. լուսավորման - մաքրման - հատման կրկնման հաճախականությունը 5 տարի,
2. նոսրացման - հատման կրկնման հաճախականությունը 10 տարի,
3. անցումային - հատման կրկնման հաճախականությունը 10 տարի:

2021-2030 թվականների համար խնամքի հատումներ նախատեսվել են ընդհանուր 1166,3հա անտառածածկ հատվածներում, ընդհանուր պաշարը 172453խտ.մ³, հատման նախատեսված ընդհանուր պաշարը 22348խտ.մ³, այդ թվում իրացման ենթակա բնափայտը 18260խտ.մ³, որից շինափայտի պաշարը 2878մ³, վառելափայտը 15505խտմ³:

ՀՀ անտառային օրենսգիրքը (2005թ.), սանիտարական հատումների իրականացման կարգը և անտառկառավարման պլանների մշակման հրահանգը սահմանում են անտառպաշտպանական միջոցառումների իրավական ասպեկտները և իրականացման կարգը, համաձայն որոնց անտառպաշտպանական միջոցառումները ներառում է անտառպաթուղոգիական ուսումնասիրություններ, անտառի վնասատուների և հիվանդությունների կանխարգելում և սանիտարական հատումներ: Սանիտարական հատումները կատարվում են անտառների սանիտարական վիճակի բարելավման, ինչպես նաև վնասատուների և հիվանդությունների բացասական ազդեցության հետևանքով կենսունակությունը կորցրած կամ ցցաչոր և չորացող ծառերի հեռացման նպատակով: Ընտրովի սանիտարական հատումներն իրականացնելիս հատվում են նշված պատճառներով կենսունակությունը կորցրած առանձին ծառեր, ընդ որում վերջինի դեպքում չպետք է խախտվեն ծառուտի կենսունակությունը, կառուցվածքը, արտադրողականությունը և նպատակային:

Զիլիզայի անտառտնտեսությունում նախատեսված բոլոր հատումների ընդհանուր ծավալը 1658,6հա-ի վրա կազմում է 29688խտ.մ³: Ըստ հատման տեսակների՝ խնամքի հատումները կազմում են հատումներ նախատեսված մակերեսի 70,3%-ը և հատման նախատեսված պաշարի 74,6%-ը, սանիտարական հատումները համապատասխանաբար 21,6% և 18,9%-ը, իսկ այլ հատումները (առանձին ծառերի հատում) 8,1% և 6,5%:

Անտառկառավարման պլանով նախատեսված են նաև անտառվերականգնման միջոցառումներ 297,1 հեկտարի վրա:

2021-30 թվականների համար նախատեսվում են անտառի հիմնման միջոցառումներ՝ ընդհանուր 297,1հա վրա, նույն թվում անտառային բացատներում և ազատ տարածքներում



(պարապուտ)՝ 62,6հա, հատված և չվերականգնված տարածքներում, ինչպես նաև անթրոպոգեն նոսրուտներում ընդհանուր 78,2հա:

Ցածր լրիվության ծառուտների լրիվության և արտադրողականության բարձրացման միջոցառումներ նախատեսվում է բնական բերականգնման միջոցառումներ ընդամենը 130,6հա վրա, հարթաների պատրաստման եղանակով՝ լրացուցիչ սերմերի ցանքսով:

Բնական վերականգնման օժանդակման նպատակով նախատեսվում է 15000զծմ ցանկապատում, որի արդյունքում շուրջ 2500,0հա անտառներում կկանխվի անասունների մուտքը, ինչն էլ կնպաստի բնական վերականգնմանը: Կախված անտառհիմնվող տարածքի տեղադրությունից, վիճակից, աճեցվող ծառատեսակների կենսաբանական առանձնահատկություններից, անտառապատման նպատակից նախատեսվում են սերմերի ցանքի կամ տունկի եղանակով:

2021-30թթ. ժամանակաշրջանում նախատեսվում է անտառի հիմնում ոչ անտառածածկ մակերեսում 173,2հա վրա, տարեկան շուրջ 17,0հա:

Նախատեսվող միջոցառումների արդյունքում էական փոփոխություն է ակնկալվում նաև ծառուտների տեսակային կազմում: Հիմնական անտառկազմող ծառատեսակների որակական կազմը զգալիորեն փոխվել է ի հաշիվ ոչ անտառածածկ տարածքների և ցածր արտադրողականության ու լրիվության (0,3-0,4) ծառուտների անտառապատման և անտառվերականգնման միջոցառումների:

Պահպանության հիմնական խնդիրն է նվազագույնի հասցնել անտառային և այլ էկոհամակարգերի ու պաշարների չհամակարգված օգտագործումը, նվազեցնել հրդեհների ռիսկերը, ինչպես նաև բնական վերականգնման օժանդակման միջոցառումներով վերականգնել դեգրադացված անտառային տարածքները: Պահպանության գործողություններում ներառվում են՝

- դեգրադացված անտառային էկոհամակարգերի վերականգնում, ինչը անհրաժեշտ է վտանգված տեսակների վիճակի բարելավման, ինչպես նաև անտառային հատվածների միասնականության և ամբողջականության ապահովման (ֆրագմենտացիայի նվազեցման) համար՝ ներկայացված է թիվ 9 անտառվերականգնման միջոցառումներ բաժնում,

- բարձր բնապահպանական արժեք ունեցող անտառների (ԲԲԱԱ) առանձնացում և համապատասխան կառավարում: ԲԲԱԱ-ների կառավարման գործողությունները պետք է ուղղված լինեն հայտնաբերված արժեքների պահպանմանը և վերականգնմանը,

- ինքնակամ հատումների ծավալների կրճատման նպատակով համալիր ծրագրի մշակում և իրականացում,

- համայնքների կողմից օգտագործվող արոտավայրերի և խոտհարքների կայուն կառավարման սխեմաների մշակում՝ բացառելով անտառվերականգնման ենթակա անտառներում անասունների մուտքը, ընդ որում պետք է գտնվեն այդ անտառներից դուրս, իսկ խոտհարքերում (որոնք շատ դեպքերում անտառային բացատներն են) կատարվող գործողությունները չպետք է բացասաբար անդրադառնան սերմնային ինքնավերականգնման վրա, իսկ համեմատաբար բարձր թեությունների վրա գտնվող արոտավայրերի օգտագործումը չհանգեցնի էրոզիոն պրոցեսների ակտիվացմանը: Բնակավայրերից շատ մոտ գտնվող վերականգնման ենթակա տարածքների ցանկապատում՝ ընտանի կենդանիների մուտքն արգելելու նպատակով:

Հիմնական վտանգներ շարունակում են մնալ ապօրինի հատումները, արածեցումը՝ հատկապես համայնքամերձ անտառներում անասունների անարգել մուտքը, բույսերի չհամակարգված հավաքը և արոտավայրերի ոչ ճիշտ կառավարումը:

Անտառկառավարման 10 տարիների համար նախատեսվում է անտառուտեսական և հակահրդեհային նշանակության ճանապարհների վերանորոգում և կառուցում ընդհանուր 27,0կմ:





էկոհամակարգեր և լադշաֆտներ, հարուստ բուսական և կենդանական աշխարհ, ջրային և հողային ռեսուրսներ, բնության և պատմաշակութային հուշարձաններ և այլն:

Անտառտնտեսության զարգացման համար հիմնական խոչընդոտներ են հանդիսանում մարդու տնտեսական գործունեությունները, ապօրինի, անկանոն, ոչ համակարգված անտառհատումները, արոտավայրերի ոչ ճիշտ կազմակերպումը, որն իր հերթին հանգեցնում է մի շարք անցանկալի երևույթների առաջացմանը և անդառնալի կորուստների, ինչպիսիք են բնական էկոհամակարգերի և լադշաֆտների ինքնավերականգնման խախտումը, տարածքի մասնատումը, դեգրադացիան, էռոզիոն երևույթները: Այս ամենը անդրադառնում է նաև բուսական և կենդանական աշխարհի կենսաբազմազանության վար, հանգեցնելով դրանց անհետացման ու ոչնչացմանը, տեսակների պոպուլյացիաների արեալների խախտմանը:

Բնական էկոհամակարգերի, կենսաբազմազանության վրա ազդեցության վտանգավոր երևույթներից է նաև որսագողությունը, վնասատուների և հիվանդությունների դեմ քիմիական նյութերի միջոցով պայքարը, բուսականության չկանոնավորված մաքրումը և այրումը, օրգանական և անօրգանական նյութերով շրջակա միջավայրի աղտոտումը և մի շարք այլ երևույթներ, որոնք էլ հանգեցնում են մի շարք անցանկալի և անլուծելի խնդիրների:

Անտառների պահպանական և պաշտպանական սերմնային, տնկային միջոցառումները, մարդկային ռեսուրսների իրազեկումն ու ուսուցումը, տեղեկատվական, կրթական, ուսուցողական կենտրոնների ստեղծումը, անտառօգտագործման զարգացումը, կայուն անտառկառավարմանը նպաստող միջոցառումները կնպաստեն անտառների էկոհամակարգերի, կենսամիջավայրի բարելավմանը և կայուն զարգացմանը:

Հինադրությային փաստաթղթով նախատեսվում է անտառպահպան միջոցառումների իրականացում, անտառի բնական ռեսուրսների ճիշտ օգտագործում, օգտագործման հետևանքով շրջակա միջավայրի վրա հնարավոր բացասական ազդեցությունների մեղմանն ուղղված բնապահպանական միջոցառումների և մշտադիտարկումների իրականացում:

Նախատեսվող միջոցառումների համար հիմք են հադիսացել շրջակա միջավայրի նախարարության Անտառային կոմիտեի «ՀԱՅԱՆՏԱՌ» ՊՈԱԿ «Վանաձորի, Ստեփանավանի, Տաշիրի և Զիլիզայի անտառտնտեսությունների» 2021-2030թթ. անտառկառավարման պլանը, անտառտնտեսության ոլորտը կարգավորող մի շարք ՀՀ օրենքներ, կառավարության որոշումներ և մի շարք միջազգային փաստաթղթեր: Ինչպես նաև ՀՀ անտառային օրենսգիրքը (2005թ.) սանիտարական հատումների իրականացման կարգը և անտառկառավարման պլանների մշակման հրահանգը:

Փորձաքննության ընթացքում Լոռու մարզի «Վանաձորի, Ստեփանավանի, Տաշիրի և Զիլիզայի անտառտնտեսությունների» անտառկառավարման պլանի փաստաթուղթը լրամշակվել է՝ հաշվի է առնվել նաև շրջակա միջավայրի նախարարության ստորաբաժանումների, առողջապահության, արտակարգ իրավիճակների, կրթության, գիտության, մշակույթի և սպորտի նախարարությունների, Լոռու մարզպետարանում իրականացված հանրային քննարկումների ժամանակ բարձրացված առաջարկությունները:

Փորձաքննական պանջներ

- անտառների պաշտպանություն՝ վնասակար օրգանիզմների (վնասատուների և հիվանդությունների) կողմից անտառների ոչնչացման, չորացման, օգտակար հատկությունների կորստի կանխարգելմանը և սանիտարական վիճակի բարելավմանն ուղղված համալիր միջոցառումների իրականացում,



- հատված տարածքներում վերականգնման աշխատանքների իրականացում, նպաստավոր պայմաններ ստեղծելով հիմնական անտառկազմող արժեքավոր ծառատեսակների համար,
- գյուղատնտեսական և անասնապահական գործունեությունները նվազեցնելու օրինակելի ձևերի և մեթոդների ներդրում,
- վնասատուներից և հիվանդություններից տնկարանների պաշտպանության աշխատանքների իրականացում,
- վերականգնված 1-2 հասակային դասերի ծառուտներում լուսավորման և մաքրման հատումների իրականացում (մատղաշի խնամք), հեռացնելով ոչ ցանկալի տեսակները և դրանց փոխարինումը հիմնական անտառկազմող ծառատեսակներով,
- առանձնակի ուշադրություն դարձնել հակահրդեհային միջոցառումների իրականացմանը, այդ թվում նաև ջրի ամբարտակների կառուցմանը և ճանապարհների բավարար անցողունակությանը,
- անտառային տարածքների գույքագրման և գնահատման արդյունքներով համայնքների կադաստրային քարտեզագրման հետ բացահայտված անհամապատասխանությունների ճշտում և ճշտված քարտեզների սահմանված կարգով տրամադրում համապատասխան գերատեսչություններ՝ ամրագրելու նպատակով,
- անտառմշակույթների հիմնան իրականացում,
- սերմնաբուսակներով և խոշոր տնկիներով անտառմշակույթների լրացման աշխատանքների կատարում,
- անտառմշակույթների ոռոգման աշխատանքների իրականացում,
- հատված տարածքներում և անթրոպոգեն նոսրուտներում ինքնավերականգնման նպաստում,
- էկոտուրիզմի զարգացում և խթանում,
- անտառի ռեկրեացիոն դերը, ինչպես նաև նրա նշանակությունը զբոսաշրջության զարգացման համար, որը կարող է նպաստել բնակչության սոցիալական վիճակի բարելավմանը և անտառների ճնշման նվազեցմանը,
- նախատեսվող անտառվերականգնման միջոցառումների տարածքներում, հատկապես համայնքամերձ տարածքները հնարավորության դեպքում անասունների մեկուսացում արածացումը բացառելու նպատակով: Մետաղյա փշալարով ցանկապատում, ինչպես նաև հնարավորության դեպքում տեխնիկական հատկությունները կորցրած բնափայտերի և ջախերի օգտագործում՝ ցանկապատում իրականացնելու նպատակով,
- համապատասխան միջոցառումների իրականացում ըստ «Հայաստանի բարձր բնապահպանական արժեք ունեցող անտառների ընտրության և առանձնացման գործնական ուղեցույցի 2016թ» սահմանազատված անտառներում,
- բնապահպանական նպատակների իրագործման համար առաջարկվող միջոցառումների ծրագիրը՝ նախնական ֆինանսական գնահատմամբ,
- իրականացնել հանքայնացման եղանակով բնական վերաճին օժանդակող միջոցառումներ, այդ թվում նաև անթրոպոգեն ծագման բավարար չվերականգնված ոչ մեծ թեքությունների հատվածներում, ցածր լրիվության ծառուտներում,
- հիմնադրույթային փաստաթղթով նախատեսված միջոցառումները նախտեսված ժամանակահատվածում կատարում,
- հիմնադրույթային փաստաթղթի դրույթների իրականացման ընթացքում շրջակա միջավայրի վրա ազդեցության մշտադիտարկումների իրականացում, հետ նախագծային ծրագրի կազմակերպում:



Եզրափակիչ մաս

ՄԱԶԾ մշտական ներկայացուցչի կողմից ներկայացված Լոռու մարզի «Վանաձոր, Ստեփանավան, Տաշիր և Զիլիզա անտառտնտեսությունների» կառավարման պլանի փաստաթղթի շրջակա միջավայրի վրա ազդեցության ռազմավարական գնահատման հաշվետվությանը տրվում է դրական եզրակացություն՝ փորձաքննական պահանջների պարտադիր կատարման պայմանով:

Առաջին կարգի մասնագետ՝



Ն.Նասիբյան